

sen prexuízo das especialidades que se establezan legal ou regulamentariamente.

Artigo 20.—Interpretación.

Calquera dúbida que puidera xurdir en torno á interpretación destas bases será resolta pola Comisión Cualificadora.

Artigo 21.—Recursos.

Contra a precedente resolución, que pon fin á vía administrativa, poderá interpoñerse o recurso potestativo de reposición ante o mesmo órgano que a dictou e no prazo dun mes a contar desde o día seguinte ó da súa notificación, ó amparo do establecido no art. 116-1 da Lei 30/1992 do Réxime xurídico das Administracións públicas e do Procedemento administrativo común, segundo redacción dada pola Lei 4/1999 pola que se modifica a primeira, ou ben directamente o recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia dentro do prazo de dous meses contados desde o día seguinte ó da súa notificación, conforme ó disposto nos artigos 8-1 e 46-1 da Lei 29/1998, de 3 de xuño da xurisdicción contencioso-administrativa.

De interpoñerse o recurso potestativo de reposición, este resolverase e notificarase no prazo dun mes segundo establece o artigo 117-2 da citada Lei 30/1992, modificada pola Lei 4/1999, podendo entón os interesados interpoñer recurso contencioso-administrativo dentro do prazo de seis meses contados dende o día seguinte de aquel en que se deba entender presuntamente desestimado o recurso de reposición interposto, conforme ó establecido no artigo 46-1 e 4 da Lei 29/1998, reguladora da xurisdicción contencioso-administrativa.

No obstante, tamén se poderá interpoñer calquera outro recurso que os interesados estimen procedentes conforme a Dereito.

Pontevedra, 16 de agosto de 2005.—O Alcalde, Miguel Anxo Fernández Lores. **2005007813**

* * *

V I G O

E D I C T O

O Pleno do Concello de Vigo, en sesión de data 26 de xullo de 2005, acordou autorizar a rectificación no Inventario Municipal de bens e dereitos do tramo final do Ramal 5 do Camiño de Casás, anulando a súa consideración como vía pública o percorrer por finca privada. O que se publica, durante un prazo dun mes, para que se poidan formular alegacións, todo isto en cumprimento do disposto no artigo 8.2 do Regula-

mento de Bens das Entidades Locais do 13 de xuño de 1986.

Vigo, 10 agosto de 2005.—O Concelleiro Delegado de Patrimonio, Javier Jorge Guerra Fernández.

2005007701

E D I C T O

A Xunta de Goberno Local, en sesión de data 27 de xuño de 2005, acordou autorizar a rectificación do Epígrafe 1 Viais no Inventario Municipal de Bens e Dereitos, do tramo final do Ramal 9 do camiño do Rial, nunha lonxitude de 60 metros, anulando a súa consideración como vía pública ao percorrer por finca privada, de acordo co informe do servizo de Cartografía. O que se publica no prazo dun mes, para que se poidan formular alegacións todo isto en cumprimento do disposto no artigo 8.2 do Regulamento de Bens das Entidades Locais do 13 de xuño de 1986.

Vigo, 10 de agosto de 2005.—O Concellal Delegado de Patrimonio, Javier J. Guerra Fernández. **2005007646**

* * *

T U I

E D I C T O

Aprobada polo Pleno da Corporación Municipal a “Ordenanza Municipal de Limpeza e Xestión de Residuos Sólidos Urbanos”, publicada no Boletín Oficial da Provincia do 25 de maio de 2.005, para a súa exposición ó público polo prazo de trinta días, ó non terse presentado ningunha reclamación á mesma, procédese á publicación definitiva do seu texto íntegro polo prazo de quince días, para a súa entrada en vigor:

ORDENANZA MUNICIPAL DE LIMPEZA E XESTION DE RESIDUOS SÓLIDOS URBANOS

TÍTULO I. DISPOSICIÓN XERAIS

Artigo 1. Obxecto.

Esta Ordenanza ten por obxecto a regulación das seguintes actividades:

- a) A limpeza da vía pública.
- b) A xestión dos residuos urbanos, incluíndo a recollida, almacenamento, transporte, valorización e eliminación dos mesmos. Ós efectos da incardinación normativa, a regulación desta Ordenanza atende ós Principios da Lei 10/1998, de 21 de abril, de Residuos, e da Lei 10/1997, de 22 de agosto de Residuos Sólidos Urbanos de Galicia e demais disposicións aplicables.

TÍTULO II. LIMPIEZA DA VÍA PÚBLICA

CAPÍTULO 1. NORMAS XERAIS

Artigo 2.—Obxecto.

Este Título ten por obxecto regula-la limpeza na vía pública, conforme á definición contida no artigo seguinte, e establece-las medidas preventivas, correctoras e/ou reparadoras orientadas a manter tal limpeza.

Artigo 3.—Concepto de "vía pública".

1. Consideranse como vía pública e, por tanto, a súa limpeza de responsabilidade municipal, os paseos, avenidas, rúas, prazas, beirarrúas, camiños, xardíns e zonas verdes, zonas terrosas, fontes, pontes, túneles peatonais e demais bens de propiedade municipal destinados directamente ó uso común xeral dos cidadáns.

2. Exceptúanse, polo seu carácter non público, as urbanizacións privadas, pasaxes, patios interiores, solares de propiedade privada, galerías comerciais e similares, correspondendo a súa limpeza ós particulares, sexa a propiedade única, compartida ou en réxime de propiedade horizontal. O Concello exercerá o control da limpeza destes elementos.

Artigo 4. Prestación do servicio.

A limpeza das vías públicas e a recollida dos residuos procedentes da mesma será realizada polos operarios do servicio de limpeza coa frecuencia necesaria para a adecuada prestación do servicio e a través das formas que acordo o Concello conforme á lexislación do Réxime Local.

Artigo 5. Espacios concedidos ou con autorización.

Todo titular dunha autorización ou concesión para ocupar espacios de uso ou servicio público deberá mantelos, así como o seu entorno próximo, nas debidas condicións de limpeza, así como tamén calquera elemento instalado sobre aqueles.

CAPÍTULO 2.

ORGANIZACION DA LIMPEZA.

Artigo 6. Rúas, patios e elementos de dominio particular.

1. A limpeza de rúas, patios, espacios e elementos de dominio particular será a cargo dos seus propietarios e levarase a cabo coa periodicidade que sexa necesaria.

2. Os patios, portais e escaleiras exteriores dos inmobles, así como as marquesiña e cubertas de cristal dos edificios, visibles dende a vía pública, deberán limparse coa frecuencia necesaria. Esta obriga recaerá sobre quen habite as fincas e, subsidiariamente, sobre os propietarios das mesmas, os

cales coidarán de manter en estado de aseo os patios, xardíns e entradas visibles dende a vía pública.

3. Os residuos procedentes das operacións de limpeza que se indican neste artigo depositaranse nos oportunos contenedores ata que sexan recollidos polo servicio de limpeza pública.

Artigo 7. Propietarios de solares e exteriores de inmobles.

1. Os propietarios de solares que linden coa vía pública deberán mantelos libres de residuos e en condicións de hixiene, seguridade e ornato.

2. A obriga anterior inclúe a esixencia da desratización e desinfección dos solares.

3. É potestade do Concello a inspección e realización subsidiaria dos traballos ós que se refiren os números 1 e 2 anteriores.

Artigo 8. Operacións de carga e descarga.

Os titulares de establecementos ou actividades nos que se realicen operacións de carga e descarga, deberán proceder, cantas veces fose preciso, ó lavado complementario da vía pública, para manter esta nas debidas condicións de limpeza

Artigo 9. Transporte de terras, escombros ou asimilados.

1. Os propietarios de vehículos que transporten terras, carbóns, formigón, escombros, materiais polvorentos, cartóns, papeis ou calquera outra materia similar que, ó derramarse, ensucie a vía pública e que, por conseguinte, poidan ocasionar danos ou molestias a terceiros, observán escrupulosamente o establecido nas normas de

circulación, acondicionando a carga de forma que se evite a caída da mesma e adoptando para elo as precaucións que fosen necesarias.

2. No caso de accidente, volco ou outras circunstancias que orixinen o desprendemento ou derrame da carga na vía pública e poida xerar riscos para a seguridade vial, os respectivos conductores, sen prexuízo do seu deber de limpar, deberán notificar-lo feito coa máxima urxencia á Policía Local.

Artigo 10.—Circos, teatros e atraccións itinerantes.

1. Actividades tales como circos, teatros, atraccións itinerantes e outras que, polas súas características especiais, utilicen a vía pública, están obrigados a depositar unha fianza de 600 que garanta as responsabilidades da súa actividade.

CAPÍTULO 3. LIMPEZA E CONSERVACIÓN DO MOBILIARIO URBANO.

Artigo 11.—Norma xeral.

O mobiliario urbano existente nos parques, xardíns, zonas verdes e vías públicas, no que se encon-

tran comprendidos os bancos, xogos infantís, papeleiras, fontes, sinalizacións e elementos decorativos tales como farolas e estatuas, deberán manterse no mais adecuado e estético estado de limpeza e conservación, e en particular os seguintes:

1. Bancos: non se permite o uso inadecuado dos bancos ou todo acto que perxudique ou deteriore a súa conservación e, en particular, arrincar aqueles que estén fixos, trasladalos cando non estean fixados ó chan, agrupalos de forma desordenada, realizar inscricións ou pinturas.

2. Xogos infantís: A súa utilización soamente está permitida ós nenos con idades comprendidas nos carteis indicadores que a tal efecto se establezan.

3. Papeleiras: Queda prohibida toda manipulación de papeleiras (movelas, incendialas, volcalas, arricalas), facer inscricións ou adherir pegatinas nas mesmas, así como outros actos que deterioreen a súa estética ou entorpezan o seu normal uso.

4. Fontes: Queda prohibido realizar calquer uso da auga ou manipulación das cañerías e elementos das fontes que non sexan propias da súa utilización normal.

5. Sinalización, farolas, estatuas e elementos decorativos: queda prohibido trepar, subirse, columpiarse ou realizar calquer acto que ensucie, perxudique, deteriore ou menoscabe o seu normal uso e funcionamento.

CAPÍTULO 4. LIMPEZA DA VÍA PÚBLICA POR OBRAS E ACTIVIDADES DIVERSAS

Artigo 12.—Obrigas xerais

1.—Para prevenirla suciedade, as persoas que realicen obras na vía pública deberán proceder á protección desta, mediante a colocación de elementos adecuados ó redor dos derribos, terras e outros materiais sobrantes de obra, de modo que se impida a diseminación e verquido destes materiais fora da estricte zona afectada polos traballos. Quen realicen estas obras, deberán contar coa oportuna licenza ou autorización municipal, previo abono dos impostos e taxas correspondentes.

2.—En especial, as superficies inmediatas ós traballos en zanzas, canalizacións e conexións realizadas na vía pública deberán manterse limpas e exentas de toda clase de

materiais residuais. As terras extraídas deberán protexerse, en todo caso, segundo determina o número 1 anterior.

3.—Cando se trate de obras en vía pública ou confrontantes deberán instalarse vallas ou elementos de protección, así como tubos e elementos para a carga e descarga de materiais e produtos de derribo, que deberán reunir as condicións necesarias para impedir que se ensucie a vía pública e que se causen danos ás persoas ou cousas.

4.—Cando se produzan arrastres na vía pública a causa da obra, a obriga de limpala corresponderá

ó contratista da obra. O Concello exercerá o control e inspección do estado de limpeza dos elementos sinalados anteriormente e, se non o realizaran os afectados, imporáse a sanción correspondente conforme ó procedemento establecido.

Artigo 13.—Edificios en construción.

Cando se trate de edificios en construción, a obriga de limpala vía pública corresponderá ó contratista da obra.

Artigo 14.—Depósito de materiais

1.—Queda terminantemente prohibido depositar na vía pública, non acotado pola obra, todo tipo de materiais, incluso terras, areas, gravas e demais materiais e elementos mecánicos de contención e excavación.

2.—Os contenedores para obras deberán retirarse da vía pública conforme o artigo 47 desta Ordenanza, e en todo caso dentro das corenta e oito horas seguintes á terminación dos traballos.

Artigo 15.—Carga e descarga de materiais

Finalizadas as operacións de carga, descarga, saída ou entrada de obras ou almacéns, etc., de calquera vehículo susceptible de producir suciedade na vía pública, procederase á limpeza da mesma e dos elementos desta que se ensuciaran, así como á retirada dos materiais verquidos por parte dos responsables das actividades ou titulares das mesmas e subsidiariamente do vehículo.

CAPÍTULO 5. LIMPEZA DA CIDADE COMO CONSECUCENCIA DO USO COMUN ESPECIAL E DO USO PRIVATIVO, E DAS MANIFESTACIÓNS PÚBLICAS NAS RÚAS

Artigo 16.—Normas xerais

1.—A suciedade da vía pública producida a consecuencia do uso común especial e do uso privativo será responsabilidade dos seus titulares.

2.—Os titulares de establecementos, sexan ou non fixos, tales como bares, cafés, quioscos, postos de venda e similares, están obrigados a manter nas debidas condicións de limpeza tanto as propias instalacións como o espazo urbano sometido a súa influencia.

3.—O Concello poderá esixir ós titulares expresados no número 2 anterior a colocación de elementos homologados para a contención dos residuos producidos polo consumo nos seus establecementos, correspondéndolles, asemade, o mantemento e a limpeza de ditos elementos.

4.—O Concello, a proposta dos Servizos Municipais, establecerá o número e modelo de papeleiras e outros elementos similares a instalar polos titulares de actividades na vía pública.

TÍTULO III. RESIDUOS

CAPÍTULO 1. XESTIÓN DOS RESIDUOS.

SECCIÓN 1. NORMAS XERAIS

Artigo 17.—Obxecto.

1. Este Capítulo ten por obxecto a regulación da xestión dos residuos urbanos, como servizo municipal obrigatorio, segundo se recolle na Lei 10/1998.

2. Entenderase por residuo calquer substancia ou obxecto do cal o seu posuidor se desprenda ou do que teña a intención ou a obriga de desprenderse e se atopen incluídas no anexo da Lei 10/1998.

3. Cando se trate doutro tipo de residuos sólidos non admisibles polo Servizo Municipal correspondente, o titular da actividade que os produza deberá almacenalos transitoriamente, recollelos, trasladalos ou depositalos en condicións adecuadas que garantan as condicións medioambientais.

Artigo 18.—Aplicación.

Aplicarase esta Ordenanza ós residuos urbanos xerados nos domicilios particulares, comercios, oficinas e servizos, así como a todos aqueles que non teñan a cualificación de perigosos e que pola súa natureza ou composición poidan asimilarse ós producidos nos anteriores lugares ou actividades. Tamén terán a consideración de residuos urbanos, os residuos procedentes da limpeza de vías públicas, zonas verdes e áreas recreativas, así como animais domésticos mortos, mobles e enseres vellos, vehículos abandonados e residuos e escombros procedentes de obras menores de demolición e construción.

Artigo 19.—Residuos abandonados.

1. Queda prohibido o abandono, verquido ou eliminación incontrolada de residuos en todo o término municipal de Tui e toda mezcla ou dilución de residuos que dificulte a súa xestión.

2. Os servizos municipais deberán recolle-los residuos abandonados en tódolos terreos que non sexan de propiedade privada, imputando o coste dos servizos prestados ós responsables, sen prexuízo da sanción que corresponda impoñer nin da reclamación das responsabilidades civís ou penais do abandono.

Artigo 20.—Propiedade Municipal.

Os posuidores de residuos urbanos estarán obrigados a entregalos ó concello para o seu reciclado, valoración ou eliminación nas condicións que se determinan nesta Ordenanza. O Concello adquirirá a propiedade daqueles dende a entrega e os posuidores quedarán exentos de responsabilidade polos danos que poidan causar tales residuos, sempre que

na súa entrega se observaran as normas da presente Ordenanza e demais normativa aplicable.

Artigo 21.—Prestación do servizo.

O servizo de recollida, tratamento e eliminación de residuos poderá prestarse en calquera das formas previstas na lexislación de réxime local.

Artigo 22.—Reutilización e recuperación.

O Concello favorecerá as iniciativas que teñan por obxecto a recuperación, reciclaxe, reutilización e, en xeral, a valorización dos residuos.

SECCIÓN 2. RESPONSABILIDADE

Artigo 23. Posuidores de residuos urbanos.

1.—Os produtores ou posuidores de residuos urbanos que, polas súas características especiais, poden producir transtornos no transporte, recollida, valorización ou eliminación, estarán obrigados a proporcionar ó Concello unha información detallada sobre o seu orixe, cantidade e características.

Artigo 24.—Responsabilidade.

1. Os produtores de residuos que os entreguen para a súa eliminación a un terceiro non autorizado, serán responsables solidarios con este de calquera prexuízo que poidera derivarse delo. Así mesmo, responderán solidariamente das sancións que procedera impoñer.

2. Dos danos que se produzan nos procesos de eliminación, como consecuencia de mala fe na entrega dos residuos ou de falta de información sobre as características dos produtos entregados, será responsable quen efectuara a entrega.

Artigo 25.—Residuos perigosos.

1.—Cando o Concello considere que os residuos urbanos presentan características que os fagan perigosos de acordo cos informes técnicos emitidos polos organismos competentes ou que dificulten a súa recollida, transporte, valorización ou eliminación, poderán obrigar ó produtor ou posuidor dos mesmos a que, previamente a súa recollida, adopten as medidas necesarias para eliminar ou reducir ditas características, ou a que os depositen na forma e lugar adecuados.

2.—Nos casos regulados neste artigo, así como cando se trate de residuos urbanos distintos ós xerados nos domicilios particulares, o Concello poderá obrigar ós posuidores a xestionalos por sí mesmos.

3.—As actividades de xestión, recollida, transporte e almacenamento dos residuos perigosos están sometidas a réxime de autorización polo órgano competente da Comunidade Autónoma.

SECCIÓN 3. TRATAMIENTO DE RESIDUOS POR PARTICULARES

Artigo 26.—Licencia municipal.

1. Os particulares ou entidades que queiran realizar o tratamento ou a eliminación dos seus residuos, deberán obter a correspondente licencia municipal de actividade, sen prexuízo das restantes autorizacións precisas segundo a normativa vixente.

2. Serán consideradas clandestinas as instalacións que desenrolen actividades de tratamento ou eliminación de residuos e que non dispoñan da licencia municipal correspondente. Aquelas poden ser clausuradas inmediatamente, sen prexuízo das sancións que correspondan e da esixencia das responsabilidades que se derivaran.

Artigo 27.—Revisións.

As instalacións dedicadas á xestión de residuos están suxeitas a revisión técnica municipal, que poderá efectuarse en calquer momento.

Artigo 28.—Prohibicións.

1. Prohíbese depositar residuos en terreos que non foran previamente autorizados polo Concello, así como utiliza-los depósitos ou vertedeiros particulares para residuos diferentes dos autorizados.

2. Os particulares non poderán evacuar ningún tipo de residuos regulados nesta Ordenanza nos rexistros públicos da rede de alcantarillado.

SECCIÓN 4

Artigo 29.

Quedan excluídos expresamente desta Ordenanza e regulados pola correspondente lexislación estatal, as emisións á atmosfera reguladas na Lei 38/1972, de 22 de decembro, de Protección do Ambiente Atmosférico. Os residuos radiactivos regulados pola Lei 25/1964, de 29 de abril, de Enerxía Nuclear, os verquidos de efluentes líquidos ás augas continentais regulados pola Lei 29/1985, de 2 de agosto, de Augas; os verquidos dende terra ó mar regulados pola Lei 22/1985, de 28 de xullo, de Costas, e os verquidos dende buques e aeronaves ó mar regulados polos tratados internacionais dos que España sexa parte.

CAPÍTULO 2. RESIDUOS DOMICILIARIOS.

SECCIÓN 1. NORMAS XERAIS

Artigo 30.—Contenerización.

1. O Concello de Tui instalará na vía pública contenedores normalizados, ó obxecto de que os cidadáns depositen nos mesmos os residuos domiciliarios xerados.

2. A ubicación dos contenedores será determinada polos Servizos Técnicos Municipais, atendendo

a factores tales como o nº de habitantes e establecementos de cada unha das rúas.

Artigo 31.—Obrigas e prohibicións para os usuarios.

1. Os usuarios están obrigados a depositar os residuos domiciliarios, salvo os que teña recollida selectiva (vidrio, papel, cartón, aceite, etc.), en bolsas de plástico. Estas bolsas, perfectamente pechadas, depositaranse nos contenedores normalizados colocados ó efecto.

2. O usuario está obrigado a pechar herméticamente as bolsas de basura, de modo que non se produzan verquidos. Si, como consecuencia dunha deficiente presentación das basuras, produciranse verquidos, o usuario causante será responsable da suciedade ocasionada.

3. Os embalaxes de plástico ou substancias similares deberán depositarse suficientemente protexidos para impedir que se esparza o seu contido na vía pública.

4. Prohíbese o depósito de basuras que conteñan residuos líquidos ou susceptibles de licuarse.

5. Non se autoriza o depósito de basuras a granel ou en caldeiros, paquetes, caixas ou similares.

6. Prohíbese o abandono de residuos. Os usuarios están obrigados a depositalos con aranzo ós horarios establecidos e nos lugares e formas sinalados.

7. Prohíbese trasladar os contenedores do lugar sinalado polo Concello.

8. Ó obxecto de evitar malos cheiros, as bolsas depositaranse nos contenedores entre as 21:00 e as 24:00 horas.

Artigo 32.—Recollida

1. Os veciños depositarán nos contenedores normalizados da vía pública os residuos, e o persoal do vehículo colector vaciará o contido dos recipientes nel e os devolverá vacíos ó lugar onde se encontraban.

SECCIÓN 2.

CONTENEDORES PARA RESIDUOS.

Artigo 33.—Conservación e limpeza de recintos privados.

1. Nos centros públicos ou privados, vivendas, mercados, galerías de alimentación, centros sanitarios, entre outros, a retirada de residuos correrá a cargo do servizo municipal competente, pero non o barrido e limpeza dos mesmos. Estas últimas operacións haberán de realizarse coa frecuencia que sexa necesaria para manter os locais nas debidas condicións de salubridade e hixiene.

2. Nos mercados e establecementos, sexan públicos ou privados onde se acumulen residuos en gran cantidade que poidan producir malos cheiros exis-

tirá sempre un depósito ou local de capacidade e disposición adecuadas para o almacenamento das basuras, en forma tal que permita a súa directa, fácil e rápida recollida sen causar molestias ó vecindario.

Artigo 34.—Recipientes e vehículos colectores.

A colocación na vía pública dos recipientes contendo os residuos, na beirarúa xunto ó borde da calzada ou lugar que se sinale, deberá facerse coa antelación que sinale o servizo municipal atendendo ós horarios da súa prestación. Unha vez vaciados os contenedores, procederase a súa retirada ó interior do inmovible.

Artigo 35.—Volumen extraordinarios.

Se unha entidade, pública ou privada, tivera por calquer causa que desprenderse de residuos domiciliarios en cantidades maiores ás que constitúen a produción diaria normal e non de forma frecuente, non poderán presentalos conxuntamente cos residuos habituais. A entidade deberá comunicar esta circunstancia ós servizos técnicos municipais, en atención ó servizo de recollida, transporte e eliminación.

SECCIÓN 3. HORARIO DE PRESTACION DOS SERVICIOS

Artigo 36.—Programación.

Os servizos municipais farán pública a programación prevista de días, horarios e medios para a prestación do servizo de recollida. O Concello poderá introducir as modificacións que, por motivos de interese público, teña por convenientes, e os servizos municipais divulgarán, con suficiente antelación, os cambios no horario e a forma ou frecuencia de prestación do servizo, a excepción das disposicións dictadas pola Alcaldía en situacións de emerxencia, caso fortuito ou forza maior.

Artículo 37. Situacións de emerxencia, caso fortuito ou forza maior.

Naquelas situacións consideradas de emerxencia, casos fortuitos ou de forza maior, nas que non sexa posible presta-lo servizo, e previa comunicación municipal, os veciños absteranse de depositar os seus residuos.

Artigo 38.—Residuos perigosos.

Serán obrigas dos produtores de residuos perigosos:

-Informar ó Concello sobre a natureza dos residuos producidos, cantidade e características.

-Dar traslado asemade da empresa ou empresa que realicen a xestión do mesmo.

-Separar e non mezcla-los residuos perigosos co resto dos residuos producidos no seu caso: urbanos e asimilables a urbanos.

-Xestionar-los residuos perigosos a través de empresas debidamente autorizadas polo órgano competente da Comunidade Autónoma.

No caso de observancia de infracción comunicárase ó órgano competente en materia sancionadora. Todo elo sen prexuízo do establecido na Lei 10/1998 e da competencia en materia de residuos perigosos do órgano competente da Comunidade Autónoma

SECCIÓN 4. VEHÍCULOS ABANDONADOS

Artigo 39.—Prohibicións.

Queda prohibido o abandono de vehículos fora do seu uso. Os seus propietarios son responsables da recollida e eliminación dos seus restos. Presumírase racionalmente o seu abandono nos seguintes casos:

- Cando transcorran mais de 2 meses dende que o vehículo fora depositado trala súa retirada da vía pública pola autoridade competente.
- Cando permaneza estacionado por un período superior a un mes nomesmo lugar e presente desperfectos que fagan imposible o seu desprazamento polos seus propios medios ou lle falten as placas de matriculación. Neste caso terá o tratamento de residuo sólido urbano de acordo coa normativa ambiental correspondente.

SECCIÓN 5. TERRAS, ESCOMBROS E MATERIAIS DE CONSTRUCCIÓN PROCEDENTES DE OBRAS MAIORES

Artigo 40.—Prohibición.

Queda terminantemente prohibido depositar nos recipientes normalizados destinados a residuos domiciliarios os procedentes de calquera clase de obras.

Artigo 41.—Producción, transporte e descarga.

Os produtores de terras e escombros deberán almacenar tal tipo de residuos en contenedores homologados e autorizados polo Servizo Municipal competente. Deberán proceder ó seu traslado puntual ós vertedoiros e centros de recepción autorizados polo Concello.

Artigo 42.—Contenedores para obras.

A efectos desta Ordenanza, enténdese por “contenedores para obras” aqueles recipientes normalizados, metálicos ou doutro material resistente e incombustible, especialmente deseñados con dispositivos para a súa carga e descarga mecánica sobre vehículos especiais de transporte, destinados a depósito de materiais de toda clase ou recollida de terras ou escombros procedentes de obras.

Artigo 43.—Colocación de contenedores.

1. Os contenedores colocaranse, se é posible, no interior da zona valada de obras, non precisando neste caso autorización municipal.

2. A colocación dos contenedores na vía pública requirirá autorización municipal.

Artigo 44.—Normas de utilización, obrigas e responsabilidades.

1. O titular da licenza será responsable dos danos causados ó pavimento da vía pública e demais elementos estruturais e de ornato da cidade, e dos danos a terceiros e está obrigado a retirar en calquer momento as terras e escombros verquidos en lugares non autorizados.

No caso de que se produza algún dano ou deterioro, o causante deberá comunicalo inmediatamente á Administración, dando os datos da empresa transportista, a usuaria do contenedor, o lugar e calquera outra circunstancia.

2. O material depositado nos contenedores non poderá exceder o nivel de enchido autorizado segundo o seu tipo, a fin de asegura-lo transporte en condicións de seguridade. Tampouco se poderán colocar elementos adicionais que aumenten as dimensións ou a súa capacidade.

3. Non se poderán verter escombros ou materiais que conteñan elementos inflamables, explosivos, nocivos, incómodos, perigosos ou inseguros para os usuarios da vía pública, veciños ou para a protección e estética do ambiente onde estén ubicados.

4. Poderase esixir para certas ubicacións, que ó anoitecer e, especificamente, cando se poña en funcionamento o servizo de alumeadado público, se acendan lámpadas intermitentes durante toda a noite e horas de escasa luz natural nas esquinas do contenedor. A Policía Municipal inspeccionará o cumprimento desta obriga.

5. Os servizos municipais poderán proceder á retirada de terras e escombros, imputándose ós responsables os custos correspondentes ó servizo prestado, elo sen prexuízo da sanción correspondente. Serán responsables subsidiarios os empresarios e promotores de obras e traballos que orixinaran o transporte destes materiais.

Artigo 45.—Obras na vía pública.

Os responsables de produtos ou residuos de construción están obrigados a retiralos dentro da xornada laboral ou a depositalos en contenedor autorizado, debendo mante-los

residuos illados do chan e limpar diariamente a área afectada, de tal forma que non se entorpeza nin poña en perigo a circulación de vehículos e peatóns.

Artigo 46.—Prohibicións.

No que respecta á produción e verquido de terras e escombros, prohibése:

- a) O verquido en terreos públicos que non foran expresamente autorizados para tal finalidade.
- b) O verquido en terreos de propiedade particular, aínda cando se dispoña de autorización expresa do titular, si, a xuízo dos servizos municipais, o verquido perxudica elementos constitutivos da paisaxe ou implique un risco ambiental.
- c) A utilización de terras e escombros para obras de recheo, equilibrado de taludes e calquera outra que poidese levarse a cabo en terreos rústicos ou urbanos, sen permiso expreso municipal.

Artigo 47.—Normas de retirada.

A empresa transportista disporá, como máximo, de corenta e oito horas para retirar-los contenedores cheos. A requerimento da Administración Municipal, retiraranse no máximo de seis horas.

Artigo 48.—Tempo de ocupación da vía pública por contenedores.

O tempo máximo de ocupación dun contenedor na vía pública será o sinalado na correspondente licenza urbanística municipal ou autorización específica para colocación de contenedores. O Concello, para algunha zona concreta, establecerá limitacións por circunstancias singulares.

Artigo 49.—Incumprimento

Sen prexuízo das responsabilidades a que dera lugar, o Concello poderá revoca-las autorizacións concedidas e, no seu caso, retira-los contenedores con cargo ós produtores dos verquidos, de conformidade co procedemento administrativo correspondente.

CAPÍTULO 6. RECOLLIDA SELECTIVA DE RESIDUOS

Artigo 50.—Recollida selectiva.

1. A efectos do presente capítulo, considérase selectiva a recollida por separado de materiais residuais específicos contidos exclusivamente en residuos domiciliarios, industriais e especiais.

3. Estas recollidas poderán levarse a cabo directamente polos servizos municipais ou por terceiros que previamente foran autorizados polo Concello.

3. No caso de ser establecidos programas concretos de recollida selectiva polo Concello, os cidadáns cuidarán de prestar a tales programas a cooperación necesaria segundo as instrucións municipais.

Artigo 51.—Actuación municipal.

O Concello poderá levar a cabo cantas experiencias e actividades en materia de recollida selectiva teña por convenientes, introducindo ó efecto as modificacións necesarias nos

servicios municipais; estes informarán ós cidadáns das condicións e modalidades da prestación deste servizo.

Artigo 52.—Contenedores ou instalacións para recollida selectiva.

1. Os contenedores ou instalacións destinados á recollida selectiva quedan exclusivamente reservados para a prestación de tal servizo. Prohíbese depositar en ditos contenedores residuos distintos ós expresamente indicados en cada caso.

2. Por razóns de seguridade, salubridade e hixiene, prohíbese colle-los residuos depositados nestes contenedores por persoas non autorizadas.

Artigo 53.—Aceite doméstico.

Queda prohibido o depósito de aceites procedentes da hostelería nos contenedores normalizados destinados á recollida de residuos sólidos urbanos. Queda prohibido igualmente o seu verquido na rede de saneamento.

2. Cada vez que se realice a retirada de aceite por parte do xestor autorizado facilitarase ó Concello a seguinte información:

- a) Nº de litros retirados.
- b) Certificado do destino final do residuo.

TÍTULO IV. OBRIGAS E PROHIBICIÓNS.

Artigo 54.—Residuos.

Prohíbese arroxar ou depositar residuos orgánicos ou doutra clase, colillas, papeis, envoltorios, augas sucias e, en xeral calquer tipo de basura ou desperdicio nas vías públicas, nos seus accesos e nos solares ou fincas, valadas ou sen valar, debendo utilizarse sempre os recipientes (contenedores, papeleiros, etc.), destinados ó efecto; tamén está prohibido utiliza-la vía pública para actos notoriamente contrarios ó seu fin específico (deposicións, miccións, etc.). Prohíbese depositar petardos, cigarrros puros, colillas de cigarrillos, brasas, cinzas e en xeral calquer outro tipo de materias encendidas ou inflamables nas papeleiras e demais contenedores viarios.

Artigo 55.—Lavado e reparación de vehículos e máquinas.

1.—Queda prohibido realizar calquer operación que poida ensucia-las vías públicas e, de forma especial, o lavado e limpeza de vehículos e maqui-

naria, así como a manipulación ou selección dos desfeitos ou residuos urbanos.

2. Prohíbese a reparación de vehículos e maquinaria na vía pública, agás en situacións de emerxencia ou avaría.

Artigo 56.—Animais.

1. Os propietarios ou responsables de animais, están obrigados a recoller nunha bolsa pechada os excrementos que estos depositen nos espazos públicos ou privados de uso público.

2. Prohíbese realizar na vía pública.

- a) O abandono de animais mortos.
- b) A limpeza de animais.

Artigo 57.—Actos públicos.

1. Os organizadores de actos públicos na vía pública son responsables da suciedade derivada dos mesmos e están obrigados a informar ó Concello do horario e lugar do acto a celebrar.

2. O Concello poderá esixirlles unha fianza polo importe previsible das operacións de limpeza que se deriven da celebración de tales actos.

Artigo 58.—Elementos publicitarios

1. A licencia para uso de elementos publicitarios (elementos fixos, colocación de carteis, pancartas e adhesivos) levará implícita a obriga de limpa-los espazos da vía pública que se utilizaran e de retirar, dentro do prazo autorizado, os elementos publicitarios e os seus correspondentes accesorios.

2. Non está permitido colocar elementos publicitarios nos bens declarados de interese cultural.

Artigo 59.—Octavillas.

Prohíbese espacir e tirar todaclase de octavillas e materiais similares, coa excepción dos casos permitidos por Lei.

Artigo 60.—Pintadas e carteis

Prohíbense as pintadas e a fixación de carteis publicitarios na vía pública sobre elementos estruturais, calzadas, beirarrúas, mobiliario urbano, muros e paredes. Serán excepcións a esta norma as pintadas murais de carácter artístico que se realicen coa autorización do propietario e as que sexan obxecto de autorización municipal.

2. A colocación de carteis na vía pública sen autorización dará lugar á imposición de sancións e imputación dos custos correspondentes dos traballos de limpeza ós responsables.

3. As pancartas deberán ser retiradas polos interesados tan pronto como caducara o prazo para o que foron autorizadas. De non facelo así, serán retiradas polos Servizos Municipais, imputándose ós responsables os custos correspondentes ó servizo

prestado sen prexuízo da imposición da sanción correspondente.

Artigo 61.—Manipulación de residuos

Prohíbese a manipulación e selección dos materiais residuais depositados na vía pública á espera de ser recollidos polos servicios correspondentes, así como a rebuscadas basuras domiciliarias ou de establecementos de toda índole.

Artigo 62.—Abandono de obxectos e materiais.

1. Prohíbese o abando de mobles e enseres particulares na vía pública.

2. Será potestade dos Servicios Municipais a retirada de todo material ou obxecto presuntamente abandonado cando dificulte o paso, a libre circulación ou poida ser causa de alteración da limpeza ou decoro da vía pública. Entenderase que tales materiais e obxectos foran abandonados polos seus donos cando permanezan na vía pública máis de 72 horas.

3. Os materiais sinalados nos apartados 1 e 2 precedentes serán trasladados para o seu depósito ós lugares ou equipamentos previstos a tal fin pola autoridade municipal. O

depósito rexirase en todo momento pola lexislación vixente e, no non previsto, polo que a Alcaldía dispoña no ámbito da súa competencia.

4. De ser coñecido o propietario e o seu enderezo se lle dará coñecemento do depósito para que proceda a retirar os obxectos ou materiais depositados, previo pago dos gastos correspondentes. Pasados dous meses dende que lle fora comunicado o depósito ou, no caso de ser descoñecido, transcorrido o mesmo prazo dende que este se realizara, sen que foron retirados, consideraranse definitivamente abandonados, podendo o Concello proceder a súa eliminación ou venda, segundo o establecido na lexislación vixente aplicable.

5. O abandono e retirada de vehículos rexerese polodisposto na normativa legal correspondente e polo sinalado nesta Ordenanza.

Artigo 63.—Limpeza de quioscos e outras instalacións de venda.

1. Os titulares ou responsables de quioscos ou outras instalacións de venda na vía pública están obrigados a manter limpo o espazo e proximidades que estas ocupen, durante o horario no que realicen a súa actividade, e a deixalo no mesmo estado, unha vez finalizada esta.

2. A mesma obriga incumbe a donos de cafeterías, bares e establecementos análogos en canto á superficie da vía pública que se ocupe con veladores, cadeiras, así como a beirarrúa correspondente á lonxitude da súa fachada.

TÍTULO V. INFRACCIÓNS
E SANCIÓN.

Artigo 64.—

En virtude do establecido no artigo 139 da LRBRL 7/1985, de 22 de abril, trala modificación producida pola Lei 57/2003, procede a adopción do seguinte:

Constitúen infracción administrativa os actos ou omisións que contraveñan o establecido nas normas que integran o contido desta Ordenanza. As infraccións clasifícanse en leves, graves e moi graves, conforme ó artigo seguinte.

As infraccións serán sancionadas conforme se determina na presente Ordenanza, polo Alcalde, dentro dos límites que a lexislación aplicable que autoriza, e sen prexuízo das responsabilidades penais e civís a que hubiera lugar no seu caso.

Artigo 65.—Infraccións.

1. Cualifícanse como infraccións moi graves:

a) A reincidencia en faltas graves

2. Cualifícanse como infraccións graves:

En xeral o abando, verquido ou eliminación incontrolado de calquer tipo de residuos non perigosos sen que se producira un dano ou deterioro grave para o medio ambiente ou se puxera en perigo grave a saúde das persoas.

3. Cualifícanse como infraccións leves:

a) O abando, verquido ou eliminación incontrolado de calquera tipo de residuos non perigosos sen que se producira un dano ou deterioro grave para o medio ambiente ou se puxera en perigo grave a saúde das persoas e non sexa cualificado como grave. Así, entre outros:

1.—O incumprimento do establecido no art. 28.

2.—O depósito de bolsas de basura na vía pública (en relación co artigo 31 desta Ordenanza).

3.—O non mantemento das debidas condicións de salubridade e hixiene nos recintos privados.

4.—A colocación na vía pública de bolsas de basura a granel, en lugar de ubicalas en caldeiros colectivos.

5.—Utilizar contenedores de residuos domiciliarios para volumes extraordinarios de residuos ou para o depósito de escombros en gran volume.

6.—Abandonar mobles e enseres inservibles.

7.—O depósito de escombros en contenedores de residuos domiciliarios (en relación co artigo 40 desta Ordenanza).

8.—O incumprimento das normas de utilización reflexadas para contenedores de obras.

9.—O incumprimento dos preceptos recollidos no artigo 46.

10.—Infrinxir-las normas de recollida selectiva de residuos.

11.—O verquido de aceite á rede de saneamento ou xunto cos residuos domiciliarios.

12.—Infrinxi-las normas sobre instalacións fixas para a recollida de residuos.

13.—Non encontrarse nas rúas, patios e elementos de dominio particular visibles dende a vía pública en estado adecuado de aseo (en relación co artigo 6 desta Ordenanza).

14.—Incumpri-las normas recollidas no artigo 7.

15.—Non deposita-los residuos xerados na actividade autorizada nos contenedores (en relación co artigo 10 desta Ordenanza).

16.—Causar calquer tipo de deterioro ó mobiliario urbano que non sexa grave e relevante (en relación co artigo 11 desta Ordenanza).

17.—Non limpeza dos arrastres na vía pública (en relación co artigo 12 desta Ordenanza).

18.—Incumpri-las normas reguladas no artigo 16.

19.—Arroxar ou depositar residuos, desperdicios e basuras nas vías públicas ou privadas, nos seus accesos e solares, ou fincas valadas ou sen valar.

20.—A deposición e micción na vía pública.

21.—Lavar, limpar e manipular vehículos na vía pública.

22.—Non recolle-los excrementos de animais domésticos.

23.—A publicidade masiva nas rúas sen licencia previa, mediante carteis, pintadas, octavillas ou outros medios que provoquen afeamento xeral e suxidade notoria da poboación.

24.—A realización de pintadas e fixación de carteis publicitarios sen autorización municipais.

Os demais actos ou omisións que contraveñan o establecido nesta Ordenanza e non estean cualificados como infraccións graves ou moi graves.

Artigo 66.—Sancións:

Establécense as seguintes sancións:

1. Para as infraccións leves:

- Apercebemento.
- Multa ata 600 €.

2. Para as graves:

- Multa dende 601,02 ata 30.050,61 euros.
- Inhabilitación para o exercicio de calquera das actividades previstas na presente Lei por un periodo de tempo de ata un ano.

3. Para as moi graves:

- Multa desde 30.050,62 ata 1.202.024,21 euros.
- No caso das infraccións consistentes no abandono, verquido ou eliminación incontrolada de calquer tipo de residuos non perigosos senque se producira un dano ou deterioro

grave para o medio ambiente ou se puxera en perigo grave a saúde das persoas, tanto nasúa modalidade leve ou grave, estarase ás sancións previstas na Lei 10/1998, de 21 de abril, de Residuos.

A contía da sanción virá determinada polas circunstancias do responsable, grado de culpa, reiteración, participación e beneficio obtido, así como grao do dano causado ó medio ambiente ou perigo en que se puxera a saúde das persoas. Sen prexuízo da sanción que se impoña, os infractores están obrigados á reposición ou restauración das cousas ó ser e estado anteriores á infracción cometida, na forma e condicións quefixe o órgano que impoña a sanción. No caso de incumprimento poderase proceder á execución subsidiaria por conta do infractor e a súa costa. Será considerado reincidente quen incurriera en infracción das mesmas materias nos doce meses anteriores.

Artigo 67.—Responsabilidade.

En materia de infraccións relacionadas con limpeza será responsable o causante da acción ou omisión en que consista a infracción. Cando se trate de obrigas colectivas, tales como uso, conservación, limpeza de zonas comúns, etc., a responsabilidade será atribuída á respectiva comunidade de propietarios ou habitantes do inmovible cando non esté constituído e, ó efecto, as denuncias formularanse contra a mesma ou contra a persoa que ostente a súa representación. A efectos do establecido neste Título os residuos terán sempre un titular responsable, cualidade que corresponderá ó produtor, posuidor ou xestor dos mesmos. Quedarán exentos de responsabilidade os que cedan os residuos a xestores autorizados, sempre que a entrega se faga conforme ó que estableza a Comunidade Autónoma. Do mesmo modo, os posuidores de residuos urbanos quedarán exentos de responsabilidade polos danos que poida derivarse de tales residuos, sempre que os entregara o Concello observando o disposto nesta Ordenanza.

A responsabilidade será solidaria nos seguintes supostos:

- Cando o posuidor ou o xestor dos residuos os entregue a persoa física ou xurídica distintas das sinaladas na Lei 10/1998, de 21 de abril, de Residuos.

- Cando sexan varios os responsables e non sexa posible determina-lo grao de participación de cada un na realización da infracción.

As responsabilidades do incumprimento das obrigas sinaladas nesta Ordenanza serán esixibles non só polos actos propios, senon tamén polos de aquelas persoas de quen se deba responder e polo proceder dos animais dos que fose propietario.

Artigo 68.—

O procedemento para a imposición das sancións previstas neste Título será o establecido na normativa reguladora vixente do exercicio da potestade sancionadora.

En todo o non previsto nesta Ordenanza, estara-se ó disposto na normativa vixente que sexa de aplicación e en especial, ó disposto na Lei 10/1998, de 21 de abril, de Residuos e Lei 10/1997, de residuos sólidos urbanos.

DISPOSICIÓN DEROGATORIA.

Queda derogada a Ordenanza de Limpeza pública, recollida e tratamento de residuos sólidos, aprobada polo Concello pleno en sesión de 27-09-1996.

DISPOSICIÓN FINAL.

A presente Ordenanza, unha vez aprobada definitivamente e publicada na forma legal establecida, entrará en vigor conforme ó previsto no art 70.2 e concordantes, da Lei 7/85 de 2 de abril, RBRL.

Tui, 12 de agosto de 2005.—O Alcalde Accidental, José Manuel Sousa Sousa. **2005007771**

* * *

REDONDELA**A N U N C I O**

Aprobado por resolución desta Alcaldía de data 5 de agosto de 2005 o prego de cláusulas administrativas particulares que rexerán no concurso, con procedemento aberto e trámite ordinario, para contrata-la execución das obras de “Pavimentación de camiños: Chouza, Pregal, Auga Enterrada, Carambola, Lavandeira, Río de San e Cotiño” (PPC 2005) anúnciase o seguinte concurso:

1). ENTIDADE ADXUDICADORA

- a) Organismo: Concello de Redondela (Pontevedra).
- b) Dependencia: Departamento de contratación.

2). OBXECTO DO CONTRATO

- a) Descripción: contratación das obras comprendidas no proxecto de “Pavimentación de camiños: Chouza, Pregal, Auga Enterrada, Carambola, Lavandeira, Río de San e Cotiño”.
- b) Lotes: Non
- c) Lugar de execución : Redondela (Pontevedra)
- d) Prazo de execución: 3 meses.

3). TRAMITACIÓN, PROCEDEMENTO E FORMA DE ADXUDICACIÓN

- a) Tramitación: ordinaria
- b) Procedemento: aberto
- c) Forma: concurso

4). PRESUPOSTO BASE DE LICITACIÓN

Importe total: 138.711,77, euros.

5). GARANTÍAS

- a) Provisoria: 2.774,24 euros

6). OBTENCIÓN DE DOCUMENTACIÓN E INFORMACIÓN

- a) Entidade: Concello de Redondela (departamento de contratación)
- b) Domicilio: Alfonso XII, nº. 2 – baixo cuberta
- c) Localidade e código postal: Redondela, 36800
- d) Teléfono: 986-40.03.00
- e) Telefáx: 986-40.38.94
- f) Data límite de obtención de documentación e información: ata o día de remate do prazo de presentación de proposicións.

7). REQUISITOS ESPECÍFICOS DO CONTRATISTA

- a) Clasificación: Grupo g, subgrupo 4, Categoría d; agás o disposto no artigo 25.2 da LCAP para os empresarios non españois de Estados membros da Comunidade Europea.

8). PRESENTACIÓN DE OFERTAS

- a) Prazo: 26 días naturais contados a partir do seguinte ó da derradeira publicación deste anuncio no Boletín Oficial da Provincia ou no Diario Oficial de Galicia.
Se o último día do prazo cadrara en sábado ou inhábil entenderase prorrogado ó primeiro día hábil seguinte.
- b) Documentación: a esixida no prego de cláusulas administrativas particulares.
- c) Lugar de presentación:
 - Entidade: Concello de Redondela
 - Domicilio: Alfonso XII, 2
 - Localidade e código postal: Redondela - 36800
- d) Prazo durante o que o licitador está obrigado a mante-la súa oferta: 3 meses contados desde a apertura de proposicións.
- e) Admisión de variantes: non.

9). APERTURA DE OFERTAS

- a) Entidade: Concello de Redondela
- b) Domicilio: Alfonso XII, 2